


金光明最勝王經

才四

百三十六  
場四

48137



元祿九年丙子二月日重修

皇圖聖固 帝階級昌

佛日增輝 懋輪常轉

山城州天安寺法金剛院置



金光明最勝王經卷第四

唐三藏法師

義淨奉

制譯

最淨地陀羅尼第六



尔時師子相無礙光燄菩薩與無量億眾從  
座而起偏袒右肩右膝著地合掌恭敬頂禮  
佛足以種種華香寶幢幡蓋而供養已白佛  
言世尊以幾因緣得菩提心何者是菩提心  
世尊即於菩提現在心不可得未來  
得過去心不可得離於菩提菩提心亦不可  
得菩提者不可言說心亦無色無相無有事  
業非可造作眾生亦不可得亦不可知世尊  
云何諸法甚深之義而可得知佛言善男子



如是如是菩提微妙事業造作皆不可得若  
離菩提菩提心亦不可得菩提者不可說心  
亦不可說無色相無事業一切衆生亦不可  
得何以故菩提及心同真如故能證所證皆  
平等故非無諸法而可了知善男子菩薩摩  
訶薩如是知者乃得名爲通達諸法善說菩  
提及菩提心菩提心者非過去非未來非現  
在心亦如是衆生亦如是於中二相實不可  
得何以故以一切法皆無生故菩提不可得  
菩提名亦不可得衆生衆生名不可得聲聞  
聲聞名不可得獨覺獨覺名不可得菩薩菩  
薩名不可得佛佛名不可得行非行不可得

行非行名不可得以不可得故於一切寂靜  
法中而得安住此依一切功德善根而得生  
起善男子譬如寶湏彌山王饒益一切此菩  
提心利衆生故是名第一布施波羅蜜因善  
男子譬如大地持衆物故是名第二持戒波  
羅蜜因譬如師子有大威力獨步無畏離驚  
恐故是名第三忍辱波羅蜜因譬如風輪那  
羅延力勇壯速疾心不退故是名第四勤策  
波羅蜜因譬如七寶樓觀有四階道清涼之  
風來吹四門受安隱樂靜慮法藏求滿足故  
是名第五靜慮波羅蜜因譬如日輪光耀熾  
盛此心速能破滅生死無明闇故是名第六

智慧波羅蜜因譬如商主能令一切心願滿  
足此心能度生死險道獲功德寶故是名第  
七方便勝智波羅蜜因譬如淨月圓滿無翳  
此心能於一切境界清淨具足故是名第八  
願波羅蜜因譬如轉輪聖王主兵寶臣隨意  
自在此心善能莊嚴淨佛國土無量功德廣  
利群生故是名第九力波羅蜜因譬如虛空  
及轉輪聖王此心能於一切境界無有障礙  
於一切處皆得自在至灌頂位故是名第十  
智波羅蜜因善男子是名菩薩摩訶薩十種  
菩提心因如是十因汝當修學  
善男子依五種法菩薩摩訶薩成就布施波

羅蜜云何爲五。一者信根。二者慈悲。三者無求欲心。四者攝受一切衆生。五者願求一切智智。善男子。是名菩薩摩訶薩成就布施波羅蜜。善男子。復依五法。菩薩摩訶薩成就持戒波羅蜜。云何爲五。一者三業清淨。二者不爲一切衆生作煩惱。因緣。三者閉諸惡道。開善趣門。四者過於聲聞獨覺之地。五者一切功德皆悉滿足。善男子。是名菩薩摩訶薩成就持戒波羅蜜。善男子。復依五法。菩薩摩訶薩成就忍辱波羅蜜。云何爲五。一者能伏貪瞋煩惱。二者不惜身命。不求安樂止息之想。三者思惟往業。遭苦。求忍。四者發慈悲心。成

就衆生諸善根故五者爲得其深無生法忍  
善男子是名菩薩摩訶薩成就忍辱波羅蜜  
善男子復依五法菩薩摩訶薩成就勤策波  
羅蜜云何爲五一者與諸煩惱不樂共住二  
者福德未具不受安樂三者於諸難行苦行  
之事不生厭心四者以大慈悲攝受利益方  
便成熟一切衆生五者願求不退轉地善男  
子是名菩薩摩訶薩成就勤策波羅蜜善男  
子復依五法菩薩摩訶薩成就靜慮波羅蜜  
云何爲五一者於諸善法攝令不散故二者  
常願解脫不著二邊故三者願得神通成就  
衆生諸善根故四者爲淨法界蠲除心垢故



五者為斷衆生煩惱根本故善男子是名菩薩摩訶薩成就靜慮波羅蜜善男子復依五法菩薩摩訶薩成就智慧波羅蜜云何為五一者常於一切諸佛菩薩及明智者供養親近不生厭背二者諸佛如來說甚深法心常樂聞無有厭足三者真俗勝智樂善分別四者見修煩惱咸速斷除五者世間技術五明之法皆悉通達善男子是名菩薩摩訶薩成就智慧波羅蜜善男子復依五法菩薩摩訶薩成就方便波羅蜜云何為五一者於一切衆生意樂煩惱心行差別悉皆通達二者無量諸法對治之門心皆曉了三者大慈悲定

出入自在四者於諸波羅蜜多皆願修行成  
熟滿足五者一切佛法皆願了達攝受無遺  
善男子是名菩薩摩訶薩成就方便勝智波  
羅蜜善男子復依五法菩薩摩訶薩成就願  
波羅蜜云何爲五一者於一切法從本以來  
不生不滅非有非無心得安住二者觀一切  
法最妙理趣離垢清淨心得安住三者過一  
切相心本真如無作無行不異不動心得安  
住四者爲欲利益諸衆生事於俗諦中心得  
安住五者於奢摩他毗鉢舍那同時運行心  
得安住善男子是名菩薩摩訶薩成就願波  
羅蜜善男子復依五法菩薩摩訶薩成就力

波羅蜜云何爲五一者以正智力能了一切衆生心行善惡二者能令一切衆生入於甚深微妙之法三者一切衆生輪迴生死隨其緣業如實了知四者於諸衆生三種根性以正智力能分別知五者於諸衆生如理爲說令種善根成熟度脫皆是智力故善男子是名菩薩摩訶薩成就力波羅蜜善男子復依五法菩薩摩訶薩成就智波羅蜜云何爲五一者能於諸法分別善惡二者於黑白法遠離攝受三者能於生死涅槃不厭不喜四者具福智行至究竟處五者受勝灌頂能得諸佛不共法等及一切智智善男子是名菩薩

摩訶薩成就智波羅蜜善男子何者是波羅  
蜜義所謂修習勝利是波羅蜜義滿足無量  
大甚深智是波羅蜜義行非行法心不執著  
是波羅蜜義生死過失涅槃功德正覺正觀  
是波羅蜜義愚人智人皆悉攝受是波羅蜜  
義能現種種珍妙法寶是波羅蜜義無礙解  
脫智慧滿足是波羅蜜義法界衆生界正分  
別知是波羅蜜義施等及智能令至不退轉  
是波羅蜜義無生法忍能令滿足是波羅蜜  
義一切衆生功德善根能令成熟是波羅蜜  
義能於菩提成佛十力四無所畏不共法等  
皆悉成就是波羅蜜義生死涅槃了無二相

是波羅蜜義濟度一切是波羅蜜義一切外  
道來相詰難善能解釋令其降伏是波羅蜜  
義能轉十二妙行法輪是波羅蜜義無所著  
無所見無患累是波羅蜜多義

善男子初地菩薩是相先現三千大千世界  
無量無邊種種寶藏無不盈滿菩薩悉見善  
男子二地菩薩是相先現三千大千世界地  
平如掌無量無邊種種妙色清淨珍寶莊嚴  
之具菩薩悉見善男子三地菩薩是相先現  
自身勇健甲仗莊嚴一切怨賊皆能摧伏菩  
薩悉見善男子四地菩薩是相先現四方風  
輪種種妙華悉皆散灑充布地上菩薩悉見

善男子五地菩薩是相先現有妙寶女衆寶  
瓔珞周徧嚴身首冠名華以爲其飾菩薩悉  
見善男子六地菩薩是相先現七寶華池有  
四階道金砂徧布清淨無穢八功德水皆悉  
盈滿盟鉢羅華拘物頭華分陀利華隨處莊  
嚴於華池所遊戲快樂清涼無比菩薩悉見  
善男子七地菩薩是相先現於菩薩前有諸  
衆生應墮地獄以菩薩力便得不墮無有損  
傷亦無恐怖菩薩悉見善男子八地菩薩是  
相先現於身兩邊有師子王以爲衛護一切  
衆獸悉皆怖畏菩薩悉見善男子九地菩薩  
是相先現轉輪聖王無量億衆圍繞供養頂

上白蓋無量衆寶之所莊嚴菩薩悉見善男子十地菩薩是相先現如來之身金色晃耀無量淨光悉皆圓滿有無量億梵王圍繞恭敬供養轉於無上微妙法輪菩薩悉見

善男子云何初地名爲歡喜謂初證得出世之心昔所未得而今始得於大事用如其所願悉皆成就生極喜樂是故最初名爲歡喜諸微細垢犯戒過失皆得清淨是故二地名爲無垢無量智慧三昧光明不可傾動無能摧伏聞持陀羅尼以爲根本是故三地名爲明地以智慧火燒諸煩惱增長光明修行覺品是故四地名爲焰地修行方便勝智自在

極難得故見修煩惱難伏能伏是故五地名  
爲難勝行法相續了了顯現無相思惟皆悉  
現前是故六地名爲現前無漏無間無相思  
惟解脫三昧遠修行故是地清淨無有障礙  
是故七地名爲遠行無相思惟修得自在諸  
煩惱行不能令動是故八地名爲不動說一  
切法種種差別皆得自在無患無累增長智  
慧自在無礙是故九地名爲善慧法身如虛  
空智慧如大雲皆能徧滿覆一切故是故第  
十名爲法雲善男子執著有相我法無明怖  
畏生死惡趣無明此二無明障於初地微細  
學處護犯無明發起種種業行無明此二無



明障於二地未得令得愛著無明能障殊勝  
揔持無明此二無明障於三地味著等至喜  
悅無明微妙淨法愛樂無明此二無明障於  
四地欲背生死無明希趣涅槃無明此二無  
明障於五地觀行流轉無明麁相現前無明  
此二無明障於六地微細諸相現行無明作  
意欣樂無相無明此二無明障於七地於無  
相觀功用無明執相自在無明此二無明障  
於八地於所說義及名句文此二無量未得  
善巧無明於詞辯才不隨意無明此二無明  
障於九地於大神通未得自在變現無明微  
細秘密未能悟解事業無明此二無明障於

十地於一切境微細所知障礙無明極細煩惱鹿重無明此二無明障於佛地

善男子菩薩摩訶薩於初地中行施波羅蜜於第二地行戒波羅蜜於第三地行忍波羅蜜於第四地行勤波羅蜜於第五地行定波羅蜜於第六地行慧波羅蜜於第七地行方便勝智波羅蜜於第八地行願波羅蜜於第九地行力波羅蜜於第十地行智波羅蜜善男子菩薩摩訶薩最初發心攝受能生妙寶三摩地第二發心攝受能生可愛樂三摩地第三發心攝受能生難動三摩地第四發心攝受能生不退轉三摩地第五發心攝受能

生寶華三摩地第六發心攝受能生日圓光  
燄三摩地第七發心攝受能生一切願如意  
成就三摩地第八發心攝受能生現前證住  
三摩地第九發心攝受能生智藏三摩地第  
十發心攝受能生勇進三摩地善男子是名  
菩薩摩訶薩十種發心善男子菩薩摩訶薩  
於此初地得陀羅尼名依功德力亦時世尊  
即說呪曰

怛姪他 脯唵你曼奴唎刺 獨虎獨虎獨

虎 耶跋蘇利瑜 阿婆娑薩<sub>下</sub> 吒<sub>丁里反</sub> 邪

跋旃達囉 調怛<sub>下</sub> 吒 多跋達咯叉漫 憚

荼鉢唎訶嚩 矩嚩莎<sub>引</sub> 訶<sub>引</sub>

善男子此陀羅尼是過一恒河沙數諸佛所  
說為護初地菩薩故若有誦持此陀羅尼呪  
者得脫一切怖畏所謂虎狼師子惡獸之類  
一切惡鬼人非人等怨賊災橫及諸苦惱解  
脫五障不忘记初地善男子菩薩摩訶薩於  
第二地得陀羅尼名善安樂住

怛恠他

唵

入声下同

里質里質里

唵

箒羅

引

喃繕覩繕覩

唵箒里虎嚕虎嚕莎訶

善男子此陀羅尼是過二恒河沙數諸佛所  
說為護二地菩薩故若有誦持此陀羅尼呪  
者脫諸怖畏惡獸惡鬼人非人等怨賊災橫  
及諸苦惱解脫五障不忘记二地善男子菩

薩摩訶薩於第三地得陀羅尼名難勝力

怛姪他 憚宅 拈般宅 拈 羯喇 檄 高喇

檄 雞由哩憚檄里 莎訶

善男子此陀羅尼是過三恒河沙數諸佛所

說為護三地菩薩故若有誦持此陀羅尼呪

者脫諸怖畏惡獸惡鬼人非人等怨賊灾橫

及諸苦惱解脫五障不忘记三地善男子菩

薩摩訶薩於第四地得陀羅尼名大利益

怛姪他 室唎室唎 陀弭你陀弭你 陀

哩陀哩你 室利室唎你 毗舍羅波始波

始娜 畔陀弭帝莎訶

善男子此陀羅尼是過四恒河沙數諸佛所

說為護四地菩薩故若有誦持此陀羅尼呪  
者脫諸怖畏惡獸惡鬼人非人等怨賊灾橫  
及諸苦惱解脫五障不忘念四地善男子菩薩  
摩訶薩於第五地得陀羅尼名種種功德莊嚴  
怛姪他訶哩 訶哩你 遮哩遮哩你羯喇

摩

引

你僧羯喇摩

引

你三婆山你瞻跋你

悉耽婆你謨漢你

碎閻步陞莎訶

喜男子此陀羅尼是過五恒河沙數諸佛所  
說為護五地菩薩摩訶薩故若有誦持此陀  
羅尼呪者脫諸怖畏惡獸惡鬼人非人等怨  
賊灾橫及諸苦惱解脫五障不忘念五地善男  
子菩薩摩訶薩於第六地得陀羅尼名圓滿智

怛姪他 毗徒哩 毗徒哩 摩哩你迦里迦

里 毗度漢底 嚕嚕嚕嚕 主嚕主嚕

杜嚕婆娑杜嚕婆 捨捨設者婆哩灑 莎入

悉底薩婆薩埵喃 悉甸覩漫 曼怛囉鉢

陀你莎訶

善男子此陀羅尼是過六恒河沙數諸佛所

說為護六地菩薩摩訶薩故若有誦持此陀

羅尼呪者脫諸怖畏惡獸惡鬼人非人等怨

賊灾橫及諸苦惱解脫五障不忘念六地善男

子菩薩摩訶薩於第七地得陀羅尼名法勝行

怛姪他 勺訶上 勺訶引 嚕 勺訶勺訶

勺訶嚕 鞞陸枳鞞陸枳 阿蜜栗多唬漢

你 勃里山你 鞞嚕勃枳婆嚕伐底 鞞  
提 唎枳 頻陀鞞嚕你 阿蜜哩底枳 薄

虎主愈 薄虎主愈莎訶

善男子此陀羅尼是過七恒河沙數諸佛所  
說為護七地菩薩故若有誦持此陀羅尼呪  
者脫諸怖畏惡獸惡鬼人非人等怨賊灾橫

及諸苦惱解脫五障不忘念七地善男子菩

薩摩訶薩於第八地得陀羅尼名無盡藏

怛姪他 室唎室唎室唎你 蜜底蜜底

羯哩羯哩醯嚕嚕 主嚕主嚕畔陀弭莎訶

善男子此陀羅尼是過八恒河沙數諸佛所說  
為護八地菩薩故若有誦持此陀羅尼呪者



脫諸怖畏惡獸惡鬼人非人等怨賊灾橫及諸苦惱解脫五障不忘念八地善男子菩薩摩訶薩於第九地得陀羅尼名無量門

怛姪他

訶哩旃茶哩枳

俱藍婆娑唎體

天里反

覩刺死

拔吒拔吒死室唎室唎

迦室哩迦

必室唎莎

蘇活反

悉底

薩婆薩埵喃莎訶

善男子此陀羅尼是過九恒河沙數諸佛所說為護九地菩薩故若有誦持此陀羅尼呪者脫諸怖畏惡獸惡鬼人非人等怨賊灾橫及諸苦惱解脫五障不忘念九地善男子菩薩摩訶薩於第十地得陀羅尼名破金剛山怛姪他

悉提

蘇悉提

謨折你木

察你 毗木底菴末麗 毗末麗涅末麗

忙揭麗 四囉若 揭鞞 曷喇怛娜揭鞞

三曼多跋姪嚩 薩婆頰他娑憚你 摩捺

斯莫訶摩捺斯 頰步底 頰室步底 阿

喇誓毗喇誓 頰主底菴蜜栗底 阿喇誓

毗喇誓 跋嚩謎 跋囉咄 火甘 麼莎 八 嚩

晡喇你晡喇娜 曼奴喇刹莎訶

善男子此陀羅尼灌頂吉祥句是過十恒河

沙數諸佛所說為護十地菩薩故若有誦持

此陀羅尼呪者脫諸怖畏惡獸惡鬼人非人

等怨賊灾橫一切毒害皆悉除滅解脫五障

不忘念十地今時師子相無礙光燄菩薩聞

佛說此不可思議陀羅尼已即從座起偏袒  
右肩右膝著地合掌恭敬頂禮佛足以頌讚佛  
敬禮無譬喻甚深無相法衆生失正知  
唯佛能濟度如來明慧眼不見一法相  
復以正法眼普照不思議不生於一法  
亦不滅一法由斯平等見得至無上處  
不壞於生死亦不任涅槃不著於二邊  
是故證圓寂於淨不淨品世尊知一味  
由不分別故獲得最清淨世尊無邊身  
不說於一字令諸弟子衆法雨皆充滿  
佛觀衆生相一切種皆無然於苦惱者  
常興於救護苦樂常無常有我無我等

法華經卷第十一

不一亦不異

不生亦不滅

如是衆多義

隨說有差別

譬如空谷響

唯佛能了知

法界無分別

是故無異乘

為度衆生故

分別說有三

今時大自在梵天王亦從座起偏袒右肩右膝著地合掌恭敬頂禮佛足而白佛言世尊此金光明最勝王經希有難量初中後善文義究竟皆能成就一切佛法若受持者是人則為報諸佛恩佛言善男子如是如是如汝所說善男子若得聽聞是經典者皆不退於阿耨多羅三藐三菩提何以故善男子是能成熟不退地菩薩殊勝善根是第一法印是

衆經王故應聽聞受持讀誦何以故善男子  
若一切衆生未種善根未成熟善根未親近  
諸佛者不能聽聞是微妙法若善男子善女  
人能聽受者一切罪障皆悉除滅得最清淨  
常得見佛不離諸佛及善知識勝行之人恒  
聞妙法住不退地獲得如是勝陀羅尼門所  
謂無盡無減海印出妙功德陀羅尼無盡無  
減通達衆生意行言語陀羅尼無盡無減日  
圓無垢相光陀羅尼無盡無減滿月相光陀  
羅尼無盡無減能伏諸惑演功德流陀羅尼  
無盡無減破金剛山陀羅尼無盡無減說不  
可說義因緣藏陀羅尼無盡無減通達實語

法則音聲陀羅尼無盡無減虛空無垢心行  
印陀羅尼無盡無減無邊佛身皆能顯現陀  
羅尼無盡無減善男子如是等無盡無減諸  
陀羅尼門得成就故是菩薩摩訶薩能於十  
方一切佛土化作佛身演說無上種種正法  
於法真如不動不住不來不去善能成熟一

切衆生善根亦不見一衆生可成熟者雖說  
種種諸法於言詞中不動不住不去不來能  
於生滅證無生滅以何因緣說諸行法無有  
去來由一切法體無異故說是法時三萬億  
菩薩摩訶薩得無生法忍無量諸菩薩不退  
菩提心無量無邊苾芻苾芻尼得法眼淨無

量衆生發菩薩心。尔時世尊而說頌曰。

勝法能逆生死流。

甚深微妙難得見。

有情盲冥貪欲覆。

由不見故受衆苦。

尔時大衆俱從座起頂禮佛足而白佛言。世

尊若所在處講宣讀誦此金光明最勝王經。

我等大衆皆悉往彼爲作聽衆。是說法師令

得利益安樂無障身意泰然。我等皆當盡心

供養。亦令聽衆安隱快樂。所任國土無諸怨

賊恐怖厄難飢饉之苦。人民熾盛。此說法處

道場之地。一切諸天人非人等。一切衆生不

應履踐。及以汙穢。何以故。說法之處。即是制

底。當以香華繒綵幡蓋而爲供養。我等常爲

守護今離衰損佛告大衆善男子汝等應當  
精勤修習此妙經典是則正法久住於世

# 金光明最勝王經卷第四

場

反駮 反一計 誥難 反上起一 反灑 所買 徧 遍 音 嗚 鉢 沒 烏  
反怛 反一 達 姪 他 又 上也 徒 結 反 反 反 反 反 反 反 反 反 反  
刺 反力 迷 栗 反力 吉 徒 弭 反 彌 亦 娜 反 奴 可 跋 反 奴 含 茶 反 藍  
反 虛 器 醞 呼 号 刺 反 郎 達 拔 吒 竹 媧 反 八 反 又 竹

音 囉 反力 何 咯 反力 各 漫 反莫 官 憚 茶 上 徒 旦 反 藍  
反力 含 矩 嚕 反下 上 俱 反 王 反 筈 反 時 劣 喃 反 奴 含 茶 反 藍  
反 陟 里 哩 反力 盲 弭 反 弥 亦 娜 反 奴 可 跋 反 奴 含 茶 反 藍

音 鞞 反步 迷 栗 反力 吉 徒 弭 反 彌 亦 娜 反 奴 可 跋 反 奴 含 茶 反 藍  
反 莫 胡 陞 反蒲 尖 徒 反 斯 紫 捶 反 丁 果 甸 反 殿 音 勺 反 時 若

反 酌 反 虛 器 醞 呼 号 刺 反 郎 達 拔 吒 竹 媧 反 八 反 又 竹



光明最勝經卷四	家	反	家	反	家	反	家	反	家
	囉	反	囉	反	囉	反	囉	反	囉
	力	反	力	反	力	反	力	反	力
	丹	反	丹	反	丹	反	丹	反	丹
	姪	反	姪	反	姪	反	姪	反	姪
	徒	反	徒	反	徒	反	徒	反	徒
	結	反	結	反	結	反	結	反	結
	嚶	反	嚶	反	嚶	反	嚶	反	嚶
	力	反	力	反	力	反	力	反	力
	帝	反	帝	反	帝	反	帝	反	帝
額	反	額	反	額	反	額	反	額	
烏	反	烏	反	烏	反	烏	反	烏	
芎	反	芎	反	芎	反	芎	反	芎	
捺	反	捺	反	捺	反	捺	反	捺	
奴	反	奴	反	奴	反	奴	反	奴	
達	反	達	反	達	反	達	反	達	
室	反	室	反	室	反	室	反	室	
丁	反	丁	反	丁	反	丁	反	丁	
竹	反	竹	反	竹	反	竹	反	竹	
日	反	日	反	日	反	日	反	日	
結	反	結	反	結	反	結	反	結	
上	反	上	反	上	反	上	反	上	
疾	反	疾	反	疾	反	疾	反	疾	
又	反	又	反	又	反	又	反	又	
謎	反	謎	反	謎	反	謎	反	謎	
莫	反	莫	反	莫	反	莫	反	莫	
閑	反	閑	反	閑	反	閑	反	閑	
蚘	反	蚘	反	蚘	反	蚘	反	蚘	
火	反	火	反	火	反	火	反	火	
甘	反	甘	反	甘	反	甘	反	甘	
麼	反	麼	反	麼	反	麼	反	麼	
莫	反	莫	反	莫	反	莫	反	莫	
可	反	可	反	可	反	可	反	可	
履	反	履	反	履	反	履	反	履	
踐	反	踐	反	踐	反	踐	反	踐	
下	反	下	反	下	反	下	反	下	
賤	反	賤	反	賤	反	賤	反	賤	
音	反	音	反	音	反	音	反	音	

場

陳寧



